

DEO OPTIMO MAXIMO VNI ET TRINO. VIRGINIQUE DEIPARÆ.

ET SANCTO LVCAE ORTHODOXORVM MEDICORVM PATRONO.

QVÆSTIO MEDICA. QVOD LIBETARIIS DISPVATIONIBVS MANE DISCVTIENDA

IN SCHOLIS MEDICORVM DIE IOVIS XVII. IANVARII.

M. GILBERTO PVYLON Doctore Medico, Moderatore:

886.

An membrana auri obtensa omnium siccissima?

V T alimentum omne dissimilis naturæ partes in se continet, sic & chylus ex eo genitus, sanguis, lac & semen, unde partium, quæ ex utriusque parentis sunt semine *απ' αμφοτέρω* aut *ἐκ ἀμφοτέρω* à toto corpore non deciduo, varietas petitur: Ex ipsius portionis terrestris pinguique os, cartilago; ex lentâ & ductili ligamentum, membrana, villus, vena, arteria, nervus, hæcque aut illa pars efformatur, prout anima ipsius conformationi incubuerit, quæ partium omnium substantiam, temperiem, conformationem earum actioni vsuique tam sapienter aptat & accommodat, ut vel in minimis *τῶν μικρῶν ἀντικειμένων* merito suspicere liceat.

P ARTES eiusdem substantiæ non eandem semper fortiuntur temperiem; in tota cerebri mole eadem nusquam est, nec in oculorum humoribus: ossium aliqua sicciora, duriora, ut dentes, ignibus pene inuicti, soli sensus compotes, quædam, & ferè omnia, à primo ortu cartilaginea, progressu temporis obdurefcunt, aliâ citius, tardius alia; nonnulla æqualem semper siccitatem, duriciem, magnitudinem retinent malleus, incus, stapes: & cartilaginibus, quæ componunt laryngem ita occalescunt, ut ossis duriciem adfiscant: ligamenta nonnunquam ad membranz aut nervi naturam proximè accedunt, nonnunquam *νευροχονδρῶδη*: in membranis par omnino ratio, cerebri, rachitis, oculorum tunicz ut crassitie, sic & temperie inter se discrepant.

M EMBRANA omnis pars est similis frigida, sicca, lata, tenuis, densa, tactus organum, cuius idcirco tanta in corpore necessitas, ut nulla pars inest (præter dentium basim & tria auris officula) quam non tegat, colliget, dirimat; mediæ auri tenuissimam, densissimam, orbicularem, ex neutrà cerebri menynghum, nec periostio, aut nervo pronatam transuersim oblique obtendit *ἀντιπρὸς* annulo osseo vndique firmavit, in centro foris concavum, intus quâ malleus tenui & oblongo suo processu ei validissimè implicatur conuexam effecit, ut præcipuum esset auditus organum, non nervus, aut aër inustus, quam idè vicinarum partium gaudere famulatu par erat; ergo illius gratiæ auriculæ cartilagineæ, semper parulæ, pinnis deorsum inflexis, anfractibus & flexuosis cavitatibus ad faciem conuersis, tribus proiecturis, sulco discretis, ingens antrum efformantibus, conspicuæ: os petrosolum innumeris obstitum cauernulis, densissimâ crustâ obductum, quatuor insignibus distinctum cameris, meatu auditorio sinuoso, sursum obliquo & angusto, conchâ amplissimâ, rotundâ, asperâ, tribus fenestellis peruiâ, soni anadasin prohibentibus; quibus ad reliquas duas labyrinthum & cochleam, necnon ductum cartilagineum ad palatum protensum patet aditus, hæc ad stuporem mirabilis propter officula dura, caua, nuda & librata, miro nexu iuncta inuicem, chordæ admodum exilis opetympani membranulæ implicita, motu & musculis non destituta: Sed inutilis harum partium foret apparatus, nisi per nervum satis insignem spiritus animalis afflueret.

A facultate sibi inest & conuenienti temperie habent sensuum organa, ut proprium obiectum (circa quod errare vix ipsis contingit) distinctè percipere valeant; à nervo ut vectore spiritu rerum sensibilibus imagines ad sensuum iudicem deferantur. Auditus circa sonum occupatur, qualitatem sensibilem natam ex motu aëris resiliens ob corporum collisionem celeriter & imperu factam; corpora hæc ampla, solida, dura, læuia sint & multum aërem contineant; quæ sonum acere, admittere & percipere debent, sicca, dura, polita, concava, non mollia aut humida, *ὀνόμι βαρύνοντες* ut oscitatio, sternutatio; boreas *ἐμπνοαίτης* reddit & phrenitis. Soni medium duplex aër, aqua, ille commodior, si serenus, noctu quam interdiu: differentia ferè infinita exiçtus vehementiâ & collisionum corporum conditione repetendæ. Metalla sonora magis quàm lignum aut lapis: ex illis æs & argentum: auri sonus acutissimus non minùs aures, quàm eius fulgor oculorum aciem perstringit.

T YMPANI itaque menynx siccitate diiudicandis sonorum differentiis apta est, quæ frustra in reliquis tanta esset, membrana quippe omnis ad partium nata symphisin, distinctionem, munimentum, ut dilatari & constringi possit, mollitie consequitur; cutis quò temperatior eo perfectiorem tactum obinet; arefcetes senio oculorum tunica visus aciem hebetant; lingua saporibus internoscendis inepta, nisi saliaz humore irrigetur; vox animantis sonus, non exanguis aut piscis, glottidis opus, ut sermo linguæ (in aglosofotomo nullus) breui interceptitur, ni laryngem internè succingens membrana pingui humore continuo madescat; quæ demùm internam narium cavitatem inuehit mucosâ cerebri illuue perpetuò humefcit, quod ne auris pelliculæ cœcigaret, nature mirare artificium, in conchâ meatum effinxit, quo in fauces aquosum omne recrementum deceret, nec ad princeps auditus appellat sensorium, sicque sit *τὸ δέμας τὸ κορυφῆς τῆς ἀκοῆς ἐνδοχῶς τοῦ τοῦ ἀλλοῦ δέματος*.

Ergo membrana auri obtensa omnium siccissima.

Proponēbat Lutetiæ IOANNES LE PREVOST Viriensis. A. R. S. H. M. DC. XLI.

DOMINI DOCTORES DISPVATVRI.

M. Franciscus Blondel.
M. Lancelotus de Frades.
M. Iacobus Mantel.

M. Nicolaus Mathieu.
M. Carolus du Pré.
M. Petrus Hommets.

M. Franciscus Boujonnier.
M. Ioanne Beraul.
M. Franciscus Mandat.

